

Obraćanje šefa Misije MMF-a za Bosnu i Hercegovinu

U toku proteklih 20 godina, CBBiH je uspostavljena kao uporište makroekonomske stabilnosti u zemlji. CBBiH je stvorena nakon rata u toku nesigurnih i promjenjivih ekonomskih uslova. Monetarna stabilnost je ključni uslov za makroekonomsku stabilnost i održiv rast, a pristup monetarnoj politici zasnovan na pravilima u okviru aranžmana currency boarda je nastavio da osigurava monetarnu stabilnost. Zahvaljujući aranžmanu currency boarda, poslovi CBBiH su transparentni u okruženju koje je inače nesigurno. Stalna monetarna stabilnost je pomogla stabilnom ekonomskom rastu i stabilnosti cijena. U toku perioda 1998-2016, godišnji rast proizvodnje je u prosjeku iznosio 3.5 posto, s prosječnom godišnjom inflacijom malo iznad 2 posto. Stabilna zajednička valuta je takođe imala ulogu u ekonomskoj i političkoj integraciji zemlje.

Postoji duga istorija konstruktivne saradnje između CBBiH i MMF-a. BiH je dobila značajnu tehničku pomoć i savjete od MMF-a o izgrađivanju institucije prije nego što je CBBiH počela s radom u augustu 1997. MMF, zajedno s drugim međunarodnim partnerima, je pomogao u pripremanju nacрта zakona o CBBiH i pomogao u prenošenju poslova s dvije monetarne institucije na CBBiH. Uz saglasnost vlade BiH, generalni direktor MMF-a je imenovao prvog guvernera CBBiH 1997. Nakon uspostavljanja CBBiH, počelo je pravo partnerstvo između CBBiH i MMF-a. MMF se intenzivno angažovao putem nekoliko kanala, uključujući misije tehničke pomoći, rezidentne savjetnike, obuku osoblja, redovne konsultacije o članu IV i interakciju u kontekstu politika koje su podržane u okviru aranžmana MMF-a. Ovi naponi su bili od suštinskog značaja za održavanje jedinstvene valute, reformu i modernizaciju platnih sistema i poboljšanja u statistici, a svi su oni, inter alia, učvrstili kredibilitet institucije i currency boarda aranžmana.

Nezavisnost CBBiH, naročito u kompleksnom političkom okruženju u BiH, je ključ uspjeha institucije i treba je sačuvati u budućnosti. Nezavisnost osigurava da CBBiH može ostvarivati svoje zakonske ciljeve i doprinositi monetarnoj, ekonomskoj i finansijskoj stabilnosti. U tom pogledu, izvrsnost i profesionalizam osoblja su najvažnija vrijednost CBBiH. Politike u okviru trenutnog aranžmana u okviru Proširenog finansijskog aranžmana (Extended Fund Facility – EFF) koje su stupile na snagu prije otprilike godinu dana, su eksplicitno fokusirane na održavanje aranžmana currency boarda i drugih elemenata koji štite nezavisnost centralne banke.

Ekonomski izazovi s kojima je zemlja suočena danas su znatni i zahtijevaju ozbiljne i udružene napore. Postoji hitna potreba da se ekonomija modernizuje poboljšavanjem poslovnog okruženja, tržišta rada, obrazovanja i vladavine prava. To su važni preduslovi za stvaranje radnih mjesta, održiv rast prihoda i konvergenciju sa životnim standardom u EU. Reformska agenda, koja je usvojena 2015. je važan korak u tom pravcu i takođe se nadamo da će aranžman s MMF-om pomoći nadležnim institucijama da postignu ove ciljeve. Stalna monetarna stabilnost je od ključnog značaja za jačanje jedinstvenog ekonomskog prostora i

obezbjeđuje osnov za strukturalnu transformaciju ekonomije koja je predviđena Reformskom agendom. CBBiH je integralni dio ovih reformskih napora i može da nastavi da predvodi primjerom.

Mi, u MMF-u, se unaprijed radujemo zbog nastavka saradnje sa CBBiH sa ciljem daljeg čuvanja i jačanja makroekonomske i finansijske stabilnosti zemlje. Izvjestan napredak je postignut u okviru aktuelnog aranžmana EFF, uključujući napredak ostvaren u oblastima vezanim za okvir upravljanja rezervama, pitanja upravljanja, koordinaciju bankarske supervizije kao i nadgledanje sistemskog rizika. Ipak, dodatni naponi u ovim oblastima su sigurni i mi ostajemo posvećeni pomaganju nadležnim institucijama u njihovim naporima.